



EDITORIAL

Mga yaweng hisgutanan sa ekonomiya ug pulitika nga atubangon sa 2019

Atong sagupon ang mga yaweng hisgutanan sa ekonomiya ug pulitika nga atubangon sa 2019 aron lig-on nga mapaasda ang atong mga tahas aron labawng pakusgon ang Partido ug iasda ang mga rebolusyonaryong pakigbisog sa katawhan. Nagapanawagan ang Partido sa katawhang Pilipino nga karong tuiga, tibuok kusog nga pakusgon ang pakigbisog aron palagputon ang papet, pasista ug korap nga rehimeng Duterte.

Kinahanglan natong palapdon ug pakusgon ang nagkahiusang prente sa tanang demokratikong pwersa ug batukan ang mga atake ni Duterte batok sa mga demokratikong katungod ug ang iyang iskema nga tukuron ang dayag nga pasistang diktadurya pinaagi man sa direktang deklarasyon sa balaod militar o sa pormang "cha-cha." Ginaaghat sa Partido ang katawhan nga iasda ang tanang porma sa pag-sukol, ilabina ang armadong pakigbisog nga ginalunsad sa Bagong

Hukbong Bayan (BHB), aron iabante ang demokratikong rebolusyon sa katawhan.

1. Sa mga moabot nga bulan, ipahigayon ni Duterte ang labaw nga desperadong mga lakang aron labawng monopolyhon ang gahum ug ipahamtang ang diktaduryang paghari luyo sa "charter change" o pag-amyenda sa konstitusyon alang sa hungog nga pederal nga sistema nga adunay sentralisadong gahum. Gamit ang gahum nga "national

"Mga yaweng ..., " sundi sa panid 2

35 ka armas, nasakmit sa BHB sa Kalinga ug Samar

TREYNTA Y SINGKO ka tag-as nga kalibreng armas ang nasakmit sa Bagong Hukbong Bayan (BHB) sa magkasunod nga taktikal nga opensiba niadtong Disyembre 18 hangtud 23, 2018. Kung idugang ang 24 ka tag-as nga kalibreng armas nga nasakmit sa BHB niadtong Disyembre 19 sa Surigao del Sur nga unang gitaho sa AB, mokabat sa kinatibuk-ang 59 ka kusog nga pusil ang nakuha sa BHB niadtong Disyembre.

Kining tanan mao ang tubag sa BHB sa panawagan sa Partido Komunista ng Pilipinas nga mapadayunong pakusgon ang mga taktikal nga opensiba isip tubag sa pagpalanat sa balaod militar sa Mindanao ug aron sa ulugon ang ika-50 nga anibersaryo sa Partido pinaagi sa pagpakusog sa armadong pakigbisog.

"35 ka armas..., " sundi sa panid 4

emergency," gamiton niya ang Armed Forces of the Philippines (AFP) ug Philippine National Police (PNP) aron hadlukon ang katawhan. Gamiton usab niya ang iyang mga gipili sa Comelec aron manipulahon ang elektronikong sistema sa pag-i-hap aron kontrolon ang umalabot nga eleksiyong *midterm* aron siguron ang mayoryang kontrol sa kongreso ug sa mga lokal nga gub- yerno (kung dili siya makakita og rason aron ikansela kini). Ilalum sa bangis nga paghari ni Duterte, ang umalabot nga reaksyunaryong elek- syon posibleng mahimong pinaka- maduguon ug pinakadunot.

Kung magmalampuson si Duter- te nga tukuron ang mayorya sa kongreso, posibleng mapalingkod niya ang kaugalingon isip tipong- Marcos nga diktador nga "konstitu- syunal" ayha mahuman ang iyang termino. Kung mapakyas siya, po- sibleng labaw niyang palapdon ang iyang "emergency powers" ngadto sa direktang deklarasyon ug pagpa- hamtang sa balaod militar sa tibuok nasud. Unsa paman, labaw siyang

mahimulag sa pulitika ug magsalig sa kaanib niyang gamay nga gru- pong militar aron konsolidahon ang iyang poder atubangan sa nagka- kusog nga panawagan aron palag- puton siya.

2. Ang mga kombulsyon sa nag- haring pulitikanhong sistema ilalum ni Duterte ginatukmod sa nagkala- lum nga krisis sa ekonomiya. Niining tuiga, magsagubang ang nasud sa walay susamang depisito sa pama- tigayon ug piskal atubangan sa hi- nay nga paglambo sa eksport tu- ngod sa pangkalibutang istagna- syong pang-ekonomiya ug sa paspas nga pagdaku sa importasyon sa mga himan ug patigayon nga pangkon- sumo nga sobrang produksyon. Na- gaapas ang rehimen og sobra-sob- rang pagpangutang alang sa tem- poraryong pagpakusog sa ekonomi- ya ug aron ihungit sa mga burukra- ta-kapitalistang gutom sa mga kikkak. Mahimong labawng tigsu- nud-sunod kini sa mga ginatakdang palisiya sa mga langyawng institu- syong pangpinansya ug gubverno sa labawng pagkaguba sa ekonomi- kanhong soberanya ug patrimonya

sa nasud.






3. Labaw pang mokaylap ug modayag ang korapsyon karong tuiga kadungan sa hilabihan ka da- kung nasudhong pondo nga gina- balsa sa mga tawo-tawo, kroni ug alyado sa pulitika ni Duterte sa pormang *pork barrel*, mga kupit sa mga kontrata sa gubverno, suhol ug "finders fee" sa mga proyekto sa gubverno. Labaw nga dili tuuhan ang anti-korapsyong kampanya ni Duterte.

Labaw pang mograbe ang problema sa kaylap nga ismagling ug paggamit sa droga human nga direkta ug hingpit nga gikontrol sa kriminal nga pundok ni Duterte ang ismagling sa shabu. Labaw nga isu- ka sa katawhan ang "drug war" ni Duterte kadungan sa labawng paggrabe sa bangis nga engkwentro nga nalambigit ang pulis alang sa "teritoryo" sa mga sindikato. Hing- pit nga mabutyag ang iyang mga saad nga tapuson ang problema sa droga isip usa ka dakung kabuang.

4. Ginapakita ni Duterte ang mas grabeng pagyukbo sa US, ilabi- na sa hisgutanang militar. Modaku ang papel sa mga tigtambag militar sa Us sa kontra-rebolusyonaryong gubat (Oplan Kapayapaan ug NISP 2018) nga nakapadron sa doktrina sa US. Dugang pa, atubangan sa nagkagrabeng gyera sa pamatiga- yon sa US-China ug sa nagkagra- beng tensyon sa South China Sea, labawng siguraduhon sa US ang hugot nga kontrol sa Pilipinas pi- naagi sa rehimen Duterte aron gamitong lunsaranan sa mga ope- rasyong militar ug pagpakita'g ku- sog batok sa nagkakusog nga pag- hagit sa China sa ekonomiya ug mi- litar nga gahum sa US.

5. Subay sa iskemang diktador ni Duterte, tumong niyang pitulon ang tanang nagababag sa iyang ti- ranya pinaagi sa *crackdown* batok sa mga ligal nga pagpangaresto ug pagpasaka og tinumutumong kaso ug ekstrahudisyal nga pagpamatay sa mga aktibista ug mga lider masa.

Labaw nga mahimong walay- puas ang mga atake batok sa mga

<div><p>Bolyum L Ihap 1 Enero 7, 2018</p><p>Ang <i>Ang Bayan</i> ginapagawas sa pinulongang Pilipino, Bisaya, Iloco, Hiligaynon, Waray ug Ingles. Nagadawat ang <i>Ang Bayan</i> og mga kontribusyon sa porma sa mga artikulo ug balita. Ginaawhag usab ang mga tigbasa nga magpadangat og mga puna ug rekomendasyon sa pagpalambo sa atong mantalaan.</p><div> instagram.com/sine.proletaryo</div><div> @prwc_info</div><div> fb.com/groups/prwcnewsroomv2</div><div> cppinformationbureau@gmail.com</div></div>	
<h2>Unod</h2>	
<p>Editorial: Mga yaweng hisgutanang sa eko- nomiya ug pulitika nga atubangon sa 2019 1</p>	
<p>35 ka armas, nasakmit sa Kalinga ug Samar 1</p>	
<p>Kumpanyang mina sa Negros, giparalisa 4</p>	
<p>50 ka tuig sa Partido, gisaulog 5</p>	
<p>Pagpanumpo sa CenVis, gikundena 7</p>	
<p>NHA, gilamparos sa kabus sa kasyudaran 7</p>	
<p>Pagpamatay sa Negros, labawng migrabe 8</p>	
<p>'Crackdown' sa mga magtutudlo, gibatikos 8</p>	
<p>Ang <i>Ang Bayan</i> ginamantala duha ka hugna matag bulan sa Komite Sentral sa Partido Komunista ng Pilipinas</p>	

demokratikong katungod sa kasyudaran ug kabanikanhan. Gipagrabe ni Duterte ug sa AFP ang *Red-tagging* batok sa lain-laing demokratikong organisasyong masa, aliansa ug grupong *partylist* nga adunay partikular nga tumong nga babagang makakuha og pwesto sa parlyamento ang mga progresibo ug hataga'g katarungan ang malukpanong pagpanumpo. Ang *all-out war* ni Duterte nakatakdang mamahimong *total war*



batok sa populasyon sa kabanikanhan human ideklara ang planong ibalik ang *hamletting* o pagkonsentra ug pagkontrol sa populasyon sa ngalan sa "kalinaw ug kalamboan."

6. Labaw nga mograbe ang katingbanon ug ekonomikanhong pagantus sa katawhang Pilipino kadungan sa pagpahamtang sa rehimeng Duterte sa dugang nga buhis, pagusik-usik sa pangpublikong pondo alang sa nagkadakung mga galastuhong militar nga midaot sa katilingbanong gasto, ug pagpanghulam og dugang langyaw'ng utang alang sa dili produktibo ug kontra-katawhang mga proyektong pang-imprastruktura. Ang mga palisiya ni Duterte moresulta sa grabeng pagsaka sa presyo sa mga palaliton, pagsaka sa gasto sa panginabuhi, mas kaylap nga disempleyo, hilabihan kaubos nga suhulan ug mga dislokasyon sa panginabuhian.

7. Labaw nga pagasugnuran sa nagkagrabeng mga ekonomikanhong kundisyon ang mas dagkung protestang masa karong tuiga. Modaghan ang mga protesta ug welga sa mga pabrika batok sa palisiyang pugngan ang pagtaas sa suhulan ug pakyas nga saad nga tapuson ang kontraktwalisasyon. Mahimong mo-

sulbong ang mga protesta atubangan sa habog nga pagtiurok sa panginabuhian sa katawhan bunga sa mas paantus nga palisiya ni Duterte sa ekonomiya, ingonman sa mga pagsumpo sa mga demokratikong katungod.

Lagmit nga modilaab ang mga protestang masa sa kabanikanhan batok sa mga abusong militar ug sa pagpalayas ni Duterte ug sa AFP sa mga mag-uuma ug nasudnong minor-

ya sa ilang yuta aron hataga'g dalan ang mga proyektong pang-imprastruktura, pangturismo ug pang-enerhiya ug mga plantasyon alang sa *oil palm* ug uban pang tanom nga pang-eksport. Labaw nga moasdang ang nasudnong kalihukan alang sa tinuod nga reporma sa yuta kadungan sa todong pagbutyag ug pagsalikway sa mini nga programa sa reporma sa yuta sa rehimen.

8. Ang iskema ni Duterte aron ipahamtang ang dayag nga diktadurya magbunga sa labawng paglapad sa nagkahiusang prenteng anti-pasista sa tanang demokratikong pwersa. Ang malukpanong pagpanglimbong pabor sa mga walay pulos nga kandidatong ginasuportahan ni Duterte ug labawng konsolidasyon sa iyang gahum pangpulitika ang magtukmod sa mga oposisyong pulitikanhong partido nga mas aktibong nag-asdang sa ekstra-parlamentaryong natad aron batukan ang iyang paghari.

Matuman man o dili ang iskemang diktadurya ni Duterte karong tuig aron monopolyhon ang pulitikanhong gahum, ang iyang mga pagsulay labawng magpahinay sa iyang mga alyansang pangpulitika, ilabina sa pundok Arroyo nga naga-

duso sa mas dakung bahin sa bukratikong pagkawhaw.

Dugang pa, tungod kay nakasandig sa mga upisyal militar, labaw nga ginabutang ni Duterte ang kaugalingon sa usa ka kudeta o pagbiya sa kaugalingon niyang mga loyalista sa AFP o sa mga nayatakan sa iyang paboritismo.

9. Nagkalalum ang disgusto sulod sa AFP ilabina sa mga tropa ug paramilitar atubangan sa grabeng korapsyon sa mga upisyal. Hilabihan nga nainat ang mga pwersang militar ni Duterte. Daghang bahin ang nahimong bulnerable sa mga opensiba sa BHB. Gikapoy pag-ayo ug diskuntento ang iyang mga tropa nga wala gipapahulay sa walay-undang nga mga operasyong kombatan ug mga pakyas nga opensibang militar. Makasinati og grabeng tamparos sa pulitika ang AFP atubangan sa walay-puas ug gasto kaayo nga pagpanganyon ug pagpanghulog og bomba ug mga opensibang militar nga nagaresulta sa malukpanong paglapas sa mga demokratikong katungod ug nagayatak sa panginabuhian sa masa.

10. Hingpit nga mapakyas ang saad ni Duterte nga puuhon ang BHB sa tunga-tunga sa tuig. Wala na siyay unom ka bulan. Karon pa lang, nagahubas na ang kahambog sa militar ug pulis sa pagdeklara og "mas reyalistikong" tumong nga "kibhangan ang kusog sa BHB" ayha mahuman ang tuig ug subling pagusab sa ilang gitakdang target sa "pagpuo sa BHB" sa 2022.

Karong tuiga, samtang ginahan-duraw sa katawhang Pilipino nga ipahigayon ang ika-50 nga anibersaryo sa ilang tinuod nga hukbo sa Marso 29, kinahanglang ipadayon sa BHB ang pagkusog ug pag-asdang niini sa rebolusyonaryong armadong pakigbisog sa tibuok nasud.

Ang mga bwelo sa mga taktikal nga opensiba sa BHB sa mga ulahing bulan sa 2018 labaw pang mokusog sa mga umabutay nga bulan ug maghatod og masdagkung hapak batok sa AFP ug sa rehimeng Duterte.

AB

Malampuson nga giatake sa BHB-Kalinga (Lejo Cawilan Command) ang detatsment sa CAFGU sa Sityo Ag-agama, Barangay Western Uma, Lubuagan niadtong kaadlawon sa Disyembre 23, 2018. Nasakmit sa BHB ang 30 ka tag-as nga kalibreng armas: pito ka M16, duha ka M4 ug 14 ka Garand, ug liboan ka bala.

Namatay sa maong reyd si Sgt. Elon Bayang, ang kumander sa detatsment, samtang samaron ang tulo ka elemento sa CAFGU.

Gihatagan og pinakataas nga pagsaludo sa BHB-Ilocos Cordillera Region (Chadli Molintas Command) si Roy Tongdo (Ka BK) gikan sa Bal-balan, Kalinga human nga namartir sa gipahigayong opensiba.

Duha ka tuig na nga nagsabwag og kadaut ang detatsment sa Sitio Ag-agama, Barangay Western Uma. Pugos nga gitukod sa mga sundalo ang detatsment sa lugar niadtong Setyembre 2016 aron sumpuon ang pagsukol sa mga nasudnong minor-ya ug mag-uuma sa operasyon sa mga langyaw'ng kumpanyang Chevron-Aragorn Power and Energy Corporation ug Guidance Management Corporation. Ginalangkuban sa operasyon niini ang 25,000 ka ektaryang yuta sa Lubuagan, Pasil ug Tinglayan sa Kalinga alang sa negosyong *geothermal* ug mina niadtong 2008.

Gipagrabe sa AFP ang sarbey-lans ug mga operasyon niini sa lugar. Gitukod niini ang mga Community Support Program Team aron makalihok sa mga komunidad ug sa kadugayan, gitukod ang detatsment sa Ag-agama.

Duha ka opensiba sa Samar

Sa Northern Samar, nakasakmit og lima ka ripleng R4 ang BHB-Northern Samar (Rodante Urtal Command) sa usa ka ambus sa Barangay Hinatad, Catarman niadtong Disyembre 18, 2018 matud sa pamahayag sa rehiyonal nga kumand sa operasyon sa Eastern Visayas. Milungtad ang panagsangka

Magun-ubong kumpanyang mina sa Negros, giparalisa sa BHB

MALAMPUSON NGA NAPAUNONG sa BHB-Negros (Mt. Canseron Command) ang magun-ubong operasyong *open-pit* nga pagmina sa Pilipinas Eco-friendly Mining Corporation (PEMC) sa Ayungon, Negros Oriental niadtong Enero 2, sa may ala-una sa kadlawon. Giparalisa sa BHB ang mga kahimanan sa PEMC sa *open-pit mining* sa utlanan sa mga barangay sa Banban ug Mabato sa nahisgutang lungsod.

Giguba sa BHB ang pito ka *backhoe*, duha ka *payloader*, *grader*, bulldoser ug duha ka *generator set*. Gitantyang mokabat sa Php120 milyon ang bili niining tanan.

Dugay na'ng ginareklamo sa katawhan sa lugar ang operasyong *open-pit* nga pagmina tungod sa kadaot niini sa ilang panginabuhian. Ginahilo-an niini ang mga sapa ug suba nga maoy tinubdan sa panginabuhian sa mga mangingisda ug irigasyon sa mga mag-uuma. Nagaresulta kini sa dautang epekto sa kasikbit nga 2,000 ektaryang umahan ug hinungdan sa dislokasyon sa mokabat sa lima ka baryo sa Ayungon.

Ika-15 ang PEMC sa listahan sa mga kumpanya sa pagmina nga adunay pinakadakung kita sa tibuok nasud. Kini usab ang nagasuplay og silica (mineral nga sagol sa paghimo og semento) sa 10 ka pinakadagkung pabrika sa semento sa nasud.

Lakip ang eryang sakop sa PEMC sa kinatibuk-ang 4,717 ka ektaryang target minahon sa dili moubos sa lima ka kumpanya sa bukirong bahin sa Ayungon.

Gipahigayon sa BHB ang operasyon subay sa palisiya sa demokrati-kong gubyrno sa katawhan nga silutan ang mga magun-ubon ug abusadong kumpanya sa kinaiyahan ug panginabuhian sa katawhan.

Samtang gisilutan usab sa usa ka yunit sa BHB-Central Negros (Leonardo Panaligan Command o LPC) si Joseph Gavia, usa ka elemento sa CAFGU sa Barangay Linantuyan, Guihulngan niadtong Enero 6.

Nagsilbi si Gavia isip ahenteng paniktik sa AFP ug kanhi na'ng nagsabwag og teror sa nahisgutang komunidad. Sa panahong nakainom, nagapanion ug nagapabuto siya og pusil.

"Magun-ubon...", sundi sa panid 7

sa upat ka minuto nga nagbilin og walo ka patayng sundalo gikan sa 43rd IB.

Gisundan kini sa usa ka pag-a-take sa maong yunit sa BHB sa Barangay Caputoan, Las Navas niadtong Disyembre 22, 2018 sa yunit sa 20th IB nga nagalunsad og operasyong "peace and development" sa lugar. Gipahigayon ang opensiba sa alas-6 sa buntag nga nagresulta sa pagkamatay sa tulo ka sundalo ug nagbilin og tulo pa ka samaron.

Samtang gipanghimakak usab ni Maria Roja Banua, tigpamaba sa National Democratic Front-Bicol ang gipakaylap sa 96th IB mahitun-ogod sa pekeng engkwentro tali sa

BHB ug mga elemento sa militar sa Sityo Malapat, Baay, Labo, Camarines Norte niadtong Disyembre 30.

Ang tinuod, okupado ang BHB niadtong katapusang semana sa Disyembre sa pagtabang sa mga naigo sa bagyo. Kaabag sila sa katawhan sa pag-ayo sa mga naguba nga balay, kahimanan ug pananom, ingon usab sa pagtambal sa mga nakaangkon og samad ug sa nagsakit.

Desperado ang AFP sa pag-apas og mga 'kadaugan' batok sa BHB ilabina nga sunud-sunod ang mga malampusong taktikal nga opensiba sa BHB sa rehiyon sa Bicol niadtong ulahing kwarto sa 2018.

AB

Bulawanong anibersaryo sa Partido, gisaulog



50 Liboan ang malampusong nakatigum sa gagmay ug dagkung selebrasyon sa mga natarang gerilya sa tibuok nasud, mga sikretong lugar sa kasyudaran ug bisan sa gawas sa nasud niadtong Disyembre 26, 2018 ug mga adlaw ayha ug pagkahuman niini aron isaulog ang ika-50 ka tuig nga anibersaryo sa Partido Komunista sa Pilipinas (PKP).

Daku kining laparo sa rehimeng Duterte ug sa AFP nga naglunsad og walay hunong nga mga operasyong kombat, paniktik ug pagpatrolya sa pagsulay nga pugngan ang mga pagsaulog. Niini nga mga adlaw, nga kadungan sa tradisyunal nga mga selebrasyon, nagdumili ang panguluhan sa AFP nga tugbangan ang unilateral nga hunong-buto nga gideklara sa PKP ug wala gipapahulay ang ilang mga tropa panahon sa kapaskuhan.

Komun sa mga pagsaulog ang paghatag og pinakataas nga pagsaludo sa mga martir sa rebolusyon, pagpasundayag sa mga bag-ong tula, kanta ug sayaw nga namugna alang sa anibersaryo ug pagbasa sa mga mensahe gikan sa mga lokal nga organisasyon sa Partido gikan sa sanga sa baryo hangtud sa rehiyon.

Gibasa usab ang mensahe sa Komite Sentral ug ang sinulat ni Kaubang Jose Ma. Sison, lider nga nagtukod sa Partido, nga naglatag sa mga bantugang nahimo sa PKP sa nilabay'ng 50 ka tuig. Sa lain-laing lugar, nagkumbira ang mga Pulang manggugubat, mga myembro sa Partido ug rebolusyonaryong katawhan sa mga simple apan espe-

syal nga pagkaon.

Ang mosunod ang inisyal nga nakalap nga mga taho sa *Ang Bayan*:

Sa kampo sa nasudnong panguluhan sa PKP, gisaulog ang tulo ka bahin nga selebrasyon gikan buntag hangtud gabii. Gitunga sa tulo ka bahin ang selebrasyon: Unang bahin ang mga dula; ikaduhang bahin ang paghisgot sa mga mensahe ug ang ikatulong bahin mao ang pagpasundayag ug uban pang kalingawan. Misalmot sa selebrasyon ang mga nangulong kadre sa Partido kauban ang hukbo ug uban pang mga yunit sa Partido. Adunay lain-lain pang kadungan nga mga panagtigum sa mga kasikbit nga mga baryo ug yunit.

Usa ka lapas-sa-tawo nga *mural* nga nagpakita sa lain-laing mga sektor sa katilingban nga nagmaya ug nagsaludo sa Partido ang nagsilbing sentro sa tigum. Sa mga mensaheng pagsaludo sa ginsakpan sa National Democratic Front ug ginsakpan sa Bagong Hukbong Bayan, pareho nilang giila ang walay susamang kamahinungdanon sa pagpangulo sa Partido sa armadong pakigbisog ug sa gimbuhatong nagkahiusang prente ug subling gipaligon sa matag usa ang komitment nga

padayong moasdang sa pagpangulo sa Partido sa mosunod pa'ng katugan hangtud sa kadaugan.

Sa Negros, nagtigum ang liboan ka rebolusyonaryong pwersa ug katawhan sa lain-laing bahin sa isla. Sa usa ka lugar, kapin 3,000 ang nagtigum aron saksihan ang pasundayag sa mga Pulang manggugubat.

Matud ni Juanito Magbanua, tigpamaba sa BHB-Negros, ginapasidungog sa rebolusyonaryong pwersa ug katawhan sa Negros ang selebrasyon isip paghinumdom ug panawagan alang sa hustisya sa siyam ka mag-uumang gimasaker sa Sagay sa mga armadong elemento sa estado ug despotikong agalong yutaan.

Mitambong sa tigum ug naghatag og matag-ilang mensahe sa pakighiusa ang mga myembro ang mga myembro sa Revolutionary Council of Trade Unions, Pambansang Katipunan ng mga Magsasaka, Kabataang Makabayan, Malayang Kilusan ng Bagong Kababaihan, Katipunan ng Samahang Manggagawa, Katipunan ng Gurong Makabayan ug Christians for National Liberation.

Ayha ang anibersaryo, naglunsad og gabii sa pakighiusa ang kabatan-onan gikan sa Kabataanh Makabayan ug mga manggugubat sa Bagong Hukbong Bayan.

Sa Bicol, gipahigayon ang mga pagsaulog sa Camarines Norte ug Sorsogon.

Sa usa ka nataran sa Sorsogon,

kapin usa ka gatus ang nagtigum. Gipasundayag sa mga Pulang manggugubat ang pila ka mga kanta gikan sa *Himig ng Digmang Bayan*, usa ka bag-ong gawas nga album sa mga bag-ong mugnang kanta. Sa programa, gisaluduhan niini ang mga Pulang manggugubat ug kumander, mga kadre ug myembro sa Partido ug mga martir sa rebolusyonaryong kalihukan.

Gitambungan kini sa mga residente sa kasikbit nga mga baryo ug mga giimbitang myembro sa mga organisasyong masa ug piniling midya. Nagbansiwag sa pagsaulog ang mabulukong pagpasundayag ug pag-interbyu sa mga tigpamaba gikan sa lain-laing probinsya.

Sa Southern Tagalog, gipasiugdahan sa Melito Glor Command ang pagsaulog sa anibersaryo sa usa sa mga nataran sa rehiyon. Gipahigayon ni Ka Diego Padilla, tigpamaba sa BHB-ST, ang usa ka *press conference* atubangan sa giimbitang mga *reporter* gikan sa masmidya ug uban pang bisita. Nagpasundayag usab ang mga Pulang manggugubat. Gikanta usab sa pangkulturang grupo sa BHB, ang Pulang Bandila, ang "Gintong Araw, Gintong Aral," nga gimugna alang sa ika-50 ka tuig sa Partido. Kapin usa ka gatus ka manggugubat sa BHB ang mitambong sa pagsaulog.

Naglunsad usab og bulag nga programa ang BHB-Quezon. "Laparo sa nawong ni Rodrigo Duterte ang tigum nato karon!" matud ni Ka Cleo Del Mundo, tigpamaba sa BHB-Quezon. Duso niyang labaw pang moaslang ang Partido ug sigurdong makapatigbabaw sa ilang mga kahuyangan. Giaghat usab niya ang katawhan nga mosampa sa BHB ug mangahas nga makigbisog.

Sa Cordillera, malampuson nga nalunsad sa BHB-ICR ang pagsaulog sa ika-50 nga anibersaryo sa Partido taliwala sa walay hunong nga operasyong militar.

Naghatag og mensahe si Simon "Ka Filiw" Naogsan sa mga myembro sa midya ug masang mi-

tambong sa pagsaulog. Matud ni Ka Filiw, sa milabay'ng singkwenta ka tuig, malampusong napundar ug mapadayunong mikusog ug miaslang ang armadong rebolusyonaryong kalihukan sa rehiyon ug sa tibuok Northern Luzon pinaagi sa lig-on nga pagpangulo sa Partido.

Dugang pa ni Ka Filiw, madasigong patigbabawan sa mga myembro sa Partido ug BHB sa rehiyon ang nagtunhay nga Tuong tendensiya sa konserbatismo ug pagkusog sa ekonomismo ug ligalismo sa nilabay'ng kapin usa ka dekada ug lig-on nga ginaatubang ang bangis ug terorismo sa Oplan Kapayapaan. Pamatuod niini ang bag-uhay nga pagbuntog sa pwersa sa BHB sa detatsment sa AFP-CAFGU sa Kalinga.

Sa North Central Mindanao, adunay mga pagsaulog sa mga sentro sa rehiyon ug subrehiyon. Sa usa ka nataran, nagtigum ang kapin 800 ka mga Pulang manggugubat ug mga giimbitang residente gikan sa mga baryo. Adunay mabulukon nga dibuho ug kulturanghong pasundayag ang katawhan ug ilang hukbo. Sa sentro sa rehiyon, gikanta ang Ginintuang Taon, usa ka bag-ong mugnang kanta alang sa anibersaryo. Taliwala kini sa walay hunong nga mga operasyong kombatan sa AFP sa lugar.

Sa ilang pamahayag, gidut-an sa PKP-NCMR ang mga kadaugan sa Partido ug hukbo sa rehiyon sa nilabay'ng singkwenta ka tuig. Sa tuig 2018, nakalunsad ang BHB-NCMR og 102 ka aksyong militar. Subay sa taho, mokabat sa usa ka kumpanya ang kaswalti sa kaaway. Sa pikas bahin, nag-ulay og kinabuhi ang 16 ka Pulang manggugubat sa halos walay hunong nga mga nakapokus nga operasyong militar sa AFP sa tibuok tuig.

"Unsamang grabeng operasyon ug atake sa pasistang rehimen sa rebolusyonaryong kalihukan, dili niini mapugngan ang labaw pang paglapad ug paglig-on sa mga bansang masa. Pamatuod niini ang na-

tukod nga organo sa pulitikanhong gahum sa rehiyon ug mga kampanyang masa nga nalunsad," matud ni Ka Norsen Manggubat.

Gibalita usab sa pangrehiyong kumand sa operasyon sa BHB-Zamboanga Peninsula ang ilang malampusong pagsaulog sa usa ka natarang gerilya. Taliwala kini sa malukpanong operasyong militar ug pagpaniktik nga gilunsad sa mga lugar nga gitantya sa AFP nga saulugan sa anibersaryo. Nagmontar pa og tsekpoynt ang mga pulis sa haywey. Nalipay kaayo ang mga kauban, ingonman ang mga bisita, nga napahigayon nila ang selebrasyon taliwala sa mga bahad sa AFP.

Sa Metro Manila, naglunsad og *lightning rally* ang Kabataang Makabayan—Lucille Gypsy Zabala (KMLGZ) isip pagsaulog sa ika-54 nga anibersaryo sa Kabataang Makabayan ug sa umalabot nga ika-50 nga anibersaryo sa PKP.

Gipasiugdahan usab sa Revolutionary Council of Trade Union, ang pinakilab nga rali sa Manila isip paghinumdom sa ika-50 ka tuig sa Partido niadtong Disyembre 16. Kadungan niini, nagmartsa usab ang mga myembro sa Kabataang Makabayan sa Morayta, Manila.

Gisaulog usab ang ika-50 nga anibersaryo sa Partido sa gawas sa nasud. Sa Utrecht, Netherlands, nagtigum ang mga rebolusyonaryong pwersa ug mga artista aron saulugon ang ika-50 ka tuig sa PKP. Kapin 200 ka tawo ang mitambong sa pagsaulog nga gipasiugdahan sa NDFP, Linangan Art and Culture Network ug Basis voor Actuele Kunst. Nagpagawas dinhi og lainlaing bidyo, mga mugnang arte ug mga pasundayag nga naghatag-duot sa rebolusyonaryong pakigbisog sa katawhan sa Pilipinas.


Nagpahayag usab ang mga myembro sa NDFP, gabansiwag dinhi ang pangabling pamahayag ni Juliet de Lima, mahitungod sa tam-po sa rebolusyong Pilipino sa progresibong kultura sa nasud. Gihagit niya ang mga aktibista ug rebolu-

syonaryong pwersa nga labaw pang magpakusog aron makab-ot ang ang-ang sa pakigbisog nga nakapabagsak sa diktaduryang US-Marcos. Ingon-man, kinahanglang himuong tema sa mamumuong pangkultura ug artista ang isyu sa yuta sa mga mag-uuna, ang dominasyon sa langyaw sa ekonomiya, pagpahimulos sa kababayan-an ug pagkaguba sa kinaiyahan samtang ginapadayag ang ilang tinguha alang sa tinuod nga kagawasan ug pagsukol sa atake sa neoliberalismo sa progresibong kultura sa katawhang Pilipino.

Kapin 30 ka organisasyon gikan sa Germany, Norway, Austria, India, France ug uban pang nasud ang nagpadayag og suporta ug pakighiusa sa rebolusyong Pilipino.

Nagpahigayon usab og pinakilab nga rali niadtong Disyembre 23 ang mga migranteng Pilipino sa Hongkong. Bitbit ang bandera sa PKP, gipasiugdahan sa organisasyong COMPATRIOTS-HK, rebolusyong organisasyon sa mga migrante, ang pagmartsa sa sentrong syudad sa Hongkong.

Gisaluduhan niini ang mga martir sa Partido ug rebolusyon lakip na ang mga kanhing migranteng Pilipino nga nitampo sa pag-asdang sa rebolusyonaryong kalihukan sa mga Pilipino sa gawas sa nasud.

Nagpagawas usab og nga mensahe sa pakighiusa ug pagtimbaya si Concha Araneta, tigpamaba sa NDF-Panay, si Fr. Santiago "Ka Sanny" Salas sa NDF-Eastern Visayas, Komite sa Rehiyon sa NEMR ug mga rebolusyonaryong organisasyong masa  Cebu.

Pulitikanhong pagpanumpo sa Central Visayas, gikundena

NAGPIKET ANG MGA progresibong organisasyon sa pagpanguna sa Bagong Alyansang Makabayan (BAYAN)—Central Visayas atubangan sa Police Regional Office VII Camp Sergio Osmeña sa Cebu niadtong Enero 2. Gikundena sa mga grupo ang pulitikanhong pagpamatay sa unom ka progresibo ug iligal nga pag-aresto sa 16 ka aktibista sa isla sa Negros niadtong unang semana sa Enero.

Giduso nila nga ihunong sa mga elemento sa militar ang *Red-tagging* ug pagpanghadlok sa mga lider mag-uuma sa Bohol nga myembro sa HUMABOL-KMP. Nakadawat og mga bahad sa kinabuhi ang mga lider niini sa ilang mga *social media account* niadtong Disyembre 26. Giakusahan silang mga tigsuporta sa BHB.

Samtang, nagtigum usab ang mga tigpanalipod sa katungod-tawo sa Camp Crame sa Quezon City niadtong Enero 4 aron kundenahon ang nagapadayong pagpanumpo sa rehimeng US-Duterte sa tibuok nasud.

Usa usab ka protesta ang gilunsad sa mga konseho sa estudyante sa University of the Philippines (UP) nga mitambong sa General Assembly of Student Councils sa UP Cebu niadtong Enero 7 sa pagpanguna sa Kasama sa UP ug UP Office of Student Regent. Panumpa sa mga lider estudyante nga batukan ang pagpanumpo sa estado sa katawhan.

NHA, gidumog sa kabus sa kasyudaran

GIDUMOG SA 500 ka kabus sa kasyudaran sa pagpanguna sa Kalipunan ng Damayang Mahihirap (KADAMAY) ang upisina sa National Housing Authority (NHA) niadtong Enero 7.

Misalmot ang mga myembro sa KADAMAY gikan sa Pandi, Bulacan nga nagmalampuson sa pag-okupa sa bakante nga pabalay. Ginapanawagan nila ang hinanaling paghatag sa titulo sa mga yunit sa balay sa ilang ginapuy-an ug ang pagtaod og direktang linya sa kuryente ug tubig sa mga pabalay niini.

Halos duha na ka tuig nga nagpuyo ang mga kabus sa nahisgutang pabalay apan hangtud karon, walay aksyon ang NHA sa ilang mga yangongo.


Misalmot usab sa protesta ang mga kabus gikan sa Montalban, Rizal ug mga komunidad sa Manila nga adunay hulga sa demolisyon. Matud sa KADAMAY, busog ang badyet sa gubyrno sa pabor-sa-negosyong programang 'Build Build Build' samtang wala alang sa paghatag og serbisyong pabalay.

"Mapangwasak..." mula sa pahina 4

Naglunsad usab og duha ka operasyong isnayp ang LPC niadtong Enero 4 isip tubag sa sunud-sunod nga pagpamatay, iligal nga pagpang-aresto ug pagpasaka og tinumu-tumong kaso sa mga sibilyan human gipahigayon ang SEMPO (Synchronized Enhanced Managing of Police Operations) niadtong Disyembre 27, 2018 sa kadlawon.

Alas 2:04 sa hapon sa dihang gipabuthan sa yunit sa BHB ang detatsment sa AFP sa Barangay Linantuyan,

Guihulngan, Negros Oriental. Kadungan sa gipahigayon sa usa pa ka yunit sa BHB ang operasyong isnayp sa usa pa ka detatsment sa Barangay Sikatuna, Isabela, Negros Occidental. Subay sa inisyal nga taho, duha ang kaswalti sa militar.

Sa kalambigit nga balita, gipanghimakak sa BHB ang pekeng engkwentro tali nila ug sa AFP sa Barangay Budlasan, Canlaon City ug Barangay Calupaan, Guihulngan City niadtong Enero 3. 

Pagpamatay sa Negros, labaw'ng migrabe

UNOM KA SIBILYAN ang gipatay sa mga berdugo sa 94th IB ug Philippine National Police sa magkabulag nga insidente niadtong gabii sa Disyembre 26 sa Negros Oriental. Gawas niini, adunay 27 ang iligal nga giaresto ug gipasa-kaan og hinimo-himong kaso sa prubinsya. Gipahigayon ang maong mga koordinadong atake batok sa katawhan sa Guihulngan City, Mabinay ug Sta. Catalina.

Sa Guihulngan City, gipatay ang lider mag-uuma nga si Jimmy Fat ug Jun Kubol gikan sa Barangay Trinidad; si Reneboy Fat nga usa ka drayber sa motorsiklo (habalhabal) gikan sa Barangay Hilaitan; si Jaime Revilla nga organisador sa komunidad; si Jesus "Dondon" Isugan nga usa ka mag-uuma ug anak sa mga lider mag-uuma, ug si Boy Singko nga upisyal sa Barangay Trinidad. Sa buktot nga pangatarungan sa mga kriminal, gipagawas sa midya nga myembro kuno sa BHB ang unom.

Human gipatay si Isugan, iligal usab nga gidakop ang iyang mga ginikanan nga silang Junior ug Genia, lakip ang lain pang 15, ug ang mga lider sa mga barangay Trinidad ug

Tacpao. Parehong giakusahang mga myembro sa BHB ang mga giaresto ug gitamnan og pusil aron makasuhan. Gilungkab usab ang mga balay sa mga residente sa Barangay Trinidad, ug balay sa usa pa ka sibilyan sa Guihulngan City. Dugang sa maong mga pagpangabuso, usa ka tigpamahayag usab sa lungsod sa La Libertad ang gipusil-patay sa mga lalaking nakamotorsiklo.

Sa lungsod sa Mabinay, unom ka residente gikan sa mga barangay sa Luyang ug Talingting ang iligal nga giaresto human gitamnan og mga pusil ug bala. Usa sa mga giaresto, si Margie Vailoces, igagaw sa bilanggong pulitikal nga si Joey Vailoces (naila isip usa sa #Mabinay6).

Ayha pa ang maong mga atake, iligal nga giaresto sa mga nakabonet nga pulis niadtong Disyembre 19 sa Sagay City, Negros Occidental si Rene Cañete, myembro sa National Federation of Sugar Workers.

Samtang, padayon pa gihapon ang pagpamig-ot sa militar sa ubang rehiyon.

Sa Sorsogon, iligal nga giaresto sa mga sundalo sa 31st IB ang menor de edad nga si Carlo Loreno, 14-anyos ug residente sa Barangay Bacalon, Magallanes. Samtang nagpahigayon og operasyon ang militar sa lugar niadtong Enero 6, pugas nga gidala si Loreno sa munisipyo ug giakusahang myembro sa BHB.

Sa Cagayan niadtong Disyembre 27, 2018, pugas nga gipatambong sa mga sundalo sa 17th IB ang mga residente sa Barangay Balagay, Sto. Niño, sa usa ka rali kung asa gipadala sila og mga plakard nga nagakundena sa PKP ug BHB. AB

'Crackdown' sa mga magtutudlo, gibatikos

GIBATIKOS SA ALLIANCE of Concerned Teachers (ACT), mga magtutudlo, abogado ug tigpanalipod sa katungod-tawo ang mando sa Philippine National Police (PNP) nga subaybayan ang mga myembro ug kaalyado sa ACT niadtong Enero 6.

Nagprotesta ang mga maestra gikan sa Manila Public School Teachers Association ug ACT atubangan sa upisina sa Department of Education-Manila niadtong Enero 7. Nakigdayalogo sila sa upisina aron sayron kung gitugtan niini ang pagpaniktik.

Sa mao usab nga adlaw, nagtigum ang mga progresibong organisasyon atubangan sa Camp Crame sa Quezon City aron kundenahon ang pagpaniktik sa PNP. Matud nila, direkta kining paglapas sa katungod sa mga magtutudlo nga magorganisa ug magpadayag.

Nabutyag ang maong pakana sa PNP sa dihang nakakuha og kopya ang mga militanteng magtutudlo og dokumento gikan sa hepe sa Zambales Police Provincial Office nga

nagamando sa tanang Chief of Police sa matag munisipyo nga ilista ang tanang magtutudlo sa mga pangpubliko ug pribadong eskwelahan nga myembro sa ACT.

Bisan walay upisyal nga dokumento, gilangkob sa pagpaniktik ang tanang eskwelahan sa tibuok nasud. Gibalita sa ACT ang pag-adto sa mga pulis sa mga publiko ug pribadong eskwelahan sa Manila, Quezon City, Bulacan, Sorsogon, Camarines Sur ug Agusan del Sur. Sa Manila, unom ka magtutudlo ang "gibisita" na sa mga ahente sa paniktik.

Tumong sa pagpaniktik nga hadlukon ang mga myembro sa ACT ug mga magtutudlo, nga dugay na'ng nakigbisog alang sa ilang katungod, ug payukbuon sa mga man-

do ni Duterte aron manipulahon ang umaabot nga eleksiyong *midterm*.

Ginausik-usikan ni Duterte ang pondo sa publiko aron sumpuon kini, samtang wala ginatubag ang dugay na nga panawagan sa sektor alang sa pagtaas sa suweldo ug benepisyo.

Gihatagan niini og hulagway ang malukpanong pagpaniktik sa mga estudyante, tigpamahayag, abogado ug uban pang demokratikong sektor, organisasyon, mga alyansa, bisan ang mga progresibong *partylist* aron ligal nga dakpon o ipapatay.

Labaw nga pagapalapdon ug pagapakusgon sa maong lakang ang oposisyon ug pagsukol sa katawhan. Sukwahi sa iyang tumong nga pahilumon ang katawhan, labaw pa hinuon niyang ginatukmod ang lainlaing sektor nga maghiusa ug tapuson ang mapanumpuon, kurakot ug papet nga rehimen ni Duterte. AB